

جريدة محاکمه

١٢٩٠

صالی

نومرو

شعبان

سنه

تموز

سنه

صفحه

٥

١٠

١٢٩٦

١٧

١٢٩٥


٣٣

اشوغزته بهر هفته صالی کونلری چیقار . سنه لکی التمش غروش و بهر نسخه سی التمش یاره *
 مجیدیه اوله رقی هر برده صاتیلور . سنه لکنه مشتری اولوق استیانلر عدلیه *
 نظارت جلیله سی اوراق مدیر لکنه مراجعت ایتلیدر *

اوزرینه مجلس مخصوص و کلا قرار یله بالاستیدان اراده سنیه جناب پادشاهی متعلق یوز یلوب ایجابی اجرا قلدیغی بیان عالیسیله عدلیه جه دخی اکاکوره ایقای معامله لازمه اولنسی شرفوار اولان ١٦ رجب سنه ٩٦ تاریخلی و یوز سکر نومرولی تذکره سامیده امر و اشعار بیورلش و موجنبجه کیفیت محکمه تمیز ریاستلرینه تبلیغی محکمه مذکوره باش مدعی عمومیلکنه و در سعادت محکمه استینافیله سی ایله ولایات محاکم استینافیله سی ریاستلرینه بالذات ولوا و قضایا بدایت محکمه لری رؤسایله مدعی عمومی معاونلری و ساطنلریله بیلدیرلسی دخی عاند اولدقلری مدعی عمومیلکره یازلش و اشبو تحریراتک نسخ مطبوعه کافیه سی مدعی عمومی معاونلرینه ایصال اولنقی اوزره لفا طرف شریفلرینه کوندرلش اولغله اوراچه دخی لدی الحواجه اول وجهله معامله لازمه همت اولنسی سیاقنده

(فی ٢٧ رجب سنه ٩٦ تاریخله عدلیه)
 (نظارتندن یازیلان تحریرات عمومیله صورتیدر)

بیکس و عجزه دن بعض کسنه لک بالاجارتین تصرفنده بولنان وقف عقارینی وفاتنه دکن کندوسنی اعاشه ایتک شرطیله مجانا آخره فراغلنده بو مثللو شرطلرک سندات اداره سندن قبول و تمسکه درج ایلام سندن طولانی برطاقه مشکلات تحدث ایتکده اولدیغنه مبنی بهدما مجله احکام عدلیه نک سکر یوز الی بشنجی ماده سنه توفیقا برکسنه بالاجارتین تصرفنده بولنان وقف عقارینی اولنجه کندوسنی بسلمک شرطیله فراغ ایتد کده مفروغ له شرط مذکور اوزره فارغی اعاشه ایتکده راضی ایکن فارغک فراغنه نام اولوبده اول عقاری استرداد ایده مامسی و بو مقوله شرطیله وقوع بولان فراغلری سندات اداره سی قبول ایله تمسکه درج و تحریر ایتسی و بوندن بویله وقوع بوله جق فراغلر تمسکاتنده مندرج اولیان شرط دعوالرینک استماعندن حکامک منع اولنسی خصوصیلرینه واقع اولان اشعار عالی قنولناهی



(فی ۳۰ رجب سنه ۹۶ تاریخیه عدلیه)
(نظارتندن یازیلان تحریرات عمومیہ)
(صورتیدر)

تشکیلات محاکم قانونی ایجابجه طشره محاکم استینافیسی ایچون ایکیسی نصبی ودیگر ایکیسی فخری اولوق اوزره دردر و بدایت محکمه لری ایچون دخی نصبی اوله رق ایکیشر اعضا تعیینی لازم کلور ایسه ده و یریله جک معاشره تخصیصات عدلیه میانده قارشولوق اولدیغی جهتله محاکم مذکوره عوم اعضاسنک شمیدیک فخری اوله رق تعیینی ضروری کورنمش اولدیغندن هر محکمه استینافک منقسم اولدیغی ایکی دائره ایچون دردردن سرکر و هر لوا بدایت محکمه سنک کذلک منقسم اولدیغی ایکی دائره ایچون ایکیشردن دردر اعضانک ذکر اولنان قانونده کوستریلان اصوله توفیقا انتخابی و قضالک بدایت محکمه زنده بولنه جق ایکیشر فخری اعضانک دخی بنه تشکیلات قانوننده محرر صفات و شرائطی جامع ذواتدن اولوق اوزره اول قضا اهالیسنندن لوا مجالس اداره سی معرفیه انتخاب اولندقدن صکره بو صورتله یعنی قضا محکمه لری اعضاسنک الویه مجالس اداره سی واسطه سیله واقع اوله جق انتخاباتی والی ولایت عدلیه مفتش و محکمه استینافی رئیس ایله برلکده تدقیق ایدوب قانونک تعیین ابتدیی شرائطه موافق کورلدیکی حالده ذوات منتخبه نک ماموریتلری تصدیق اولنوق اوزره قاعده عمومییه توفیقا و مفتش و محکمه مذکوره رئیس ایله مشترکا عدلیه نظارتنه اشعاراتلری خصوصنه با تقریر وقوع بولان استیذان اوزرینه اراده سنیه جناب پادشاهی متعلق بیورلدیغی بیان عالیسیله اجرای ایجابی با تذکره سامیه صدارتیناهی اشعار بیورلمش و موجبجه کیفیت بالجمله ولایات جلیله ایله عدلیه

مفتش و استینافی محکمه سی رئیس لرینه بیلدیراش اولقله اوراجه دخی بر منوال محرر ایفای مقتضاسی خصوصنه

(فی ۲ شعبان سنه ۹۶ تاریخیه عدلیه)
(نظارتندن یازیلان تحریرات عمومیہ)
(صورتیدر)

اصول محاکمات جزائیه قانونی اقتضاسیجه مواد جزائیه به دائر اولان تصدیق و نقض ورد تمیز اعلاملرنک مرجع انفاذ و تبلیغی مدعی عمومیلر اولدیغی کی محکمه تمیزک تصدیقا و یا نقضا و یره جکی اعلاملر ایله تمیز معاملاتنه منفرع سائر اوراقک باش مدعی عمومیلر ماموریتی واسطه سیله عدلیه نظارتندن تسطیر اولنه جق محررانه لقا محاکم ولایات مدعی عمومیلرینه تبلیغی نظارتک نظامنامه داخلی احکامندن بولدیغی حالده مدعی عمومیلر ماموریتلرنک شمیدی به قدر تأسس و تعمیم ایتماسندن طولابی محکمه تمیزدن تصدیق و یا خود رد تمیز حقنده و یریلان اعلامات و لاه عظام حضرانته و نقض اولنان اعلاملر دخی لاجل الاصلاح عائد اولدیغی محاکم ریاستلرینه تبلیغ اولنقلده بولنمش ایدی بو کره ولایت استیناف محکمه لرینه برر مدعی عمومی ایله ولایت ولوا و قضالر بدایت محکمه لرینه برر مدعی عمومی معاوانی تعیین بیورلمش اولدیغندن اعلامات مذکوره نک امر انفاذ و تبلیغک دخی بالطبع احکام قانونیه سی دائره سنده جریان لازم کلکله بعدما محکمه تمیزدن و یریلان اعلامات مصدقنک قانونا اجرای احکامنه تشبث ایتمک و اعلامات مقوضه بی دخی محکمه به و یروب تدقیقات و محاکمه سنی اکیال و حکمی اصلاح ایتدیرمک اوزره بونلره دائر مقام نظارتندن ماموریت مشارالیه معرفیه تسطیری لازم کلان

محررات او مثلاً اعلاماتک عائد اولدیغی ولایت محکمه استینافک مدعی عمومی سنه یازیله جکی کمی مدعی عمومیلرک زنده مامور اولدقلری محکمه لردن دخی مواد جزائیه به متعلق اولوبده اسندا وقوع بولسون وقوع بولسون قانونا علی الاطلاق محکمه تمیزک تصدیقنه مرهون اولان و جنجه و قباحت افعالنه دائر اولوب تمیزی اسندا اولنان احکام قانونیه حقنده صدور ایدن اعلامات جزائیه نک اوراقی تحقیقه سیله برابر تمیزی ایچون نظارتنه ارسالنده ارتق ولایات و متصرفلقلرک و ساطقنه حاجت قالیوب اعلامات مذکوره نک اوراقی اساسیه و متفرعه سیله معالاجل التمیز مدعی عمومیلری طرفندن حکم قانون اقتضاسیجه طوغریدن طوغری به نظارتنه کوندرلمسی لازم کله جکنه دائر باش مدعی عمومیلرک تبلیغی اوزرینه ولایات محکمه استینافی لری زنده بولنان مدعی عمومیلره عوما تبلیغات مقضیه اجرا قلمش و شو قدر که احکام جزائیه به دائر اولان اعلاماتک اساسا واسطه تفیدی مدعی عمومیلر ایسه ده امر انفاذ ایچون انلر طرفندن مراجعات وقوعنده عموم مامورین ملکیه وقوه عسکریه و ضابطه دخی اصولا لازم کلان معاواناتک اجراسننه مجبور اولمیرله بویاده مدعی عمومیلر جانبدندن استعانه وقوع بولدیجه تسهیلات لازمه نک ایفاسی کیفیت دخی بالجمله ولایات ایله مستقلا اداره اولنان متصرفلقلره بیلدیرلمش اولقله دخی اکا کوره اقتضاسنک اجرا بیورلمسی باینده

(فی ۲ شعبان سنه ۹۶ تاریخیه عدلیه)
(نظارتندن یازیلان تحریرات عمومیہ)
(صورتیدر)

محبوس بولنان مجرمیندن وفات ایدنلرک ترقین قیدلری

ایچون کیفیت وفاتلری محاکمندن تنظیم اولنان مضابط و اطبا طرفندن و یریلان راپورطلر ایله اشعار اولنمش اصول وقاعده متخذه اقتضاسنندن بولنمش ایکن بعض محلا لردن بو قاعده به رعایت اولنمیوب بو مقوله و فیات بعضا بالکر مضبطه و یا راپورط و بعضا دخی مضبطه و راپورطی کوندرلمکسزین سهوا و ذهولا بالکر بر آنها ایله بیلدیرلمکده اولدیغنه و بویاسه مغایر اصول بولندیغی کمی تکرار مخبراتی و تسویه امور و مصالحجه عوق و تاخراتی موجب اولقلده ایدوکنه بناه بعدما بو یوزدن مصالح جاریه عقده تاخراته دوچار اولماق اوزره بو مثلاً محبوسین و مجرمیندن وفاتی وقوع بولانلرک بوراجه قیدلری ترقین اولنوق ایچون صورت وفاتلری حقنده قاعده مرعیه سنه توفیقا محاکم لازم کلان مضبطه نک و اطبا جانبدندن دخی ایجاب ایدن راپورطلرک بالتنظیم برابرجه ارسالی لزومی محکمه تمیز باش مدعی عمومیلرک تبلیغیه شهرامانی و ضبطیه نظارتیه و لاه عظام حضرانته والویه مستقله متصرفلرینه تعمیم اشعار قلمش اولقله دخی اولوجهله ایفای مقتضاسی باینده

(فی ۲ شعبان سنه ۹۶ تاریخیه عدلیه)
(نظارتندن یازیلان تحریرات عمومیہ)
(صورتیدر)

در سعادتده تأسیس و بو کره ولایات شاهانه به تعمیم بیورلمش اولان مدعی عمومیلرک ماموریتلرنک وظائف اساسیه و فرعیه سنی تعیین و تحدید ایدن اصول محاکمات جزائیه و حقوقیه و تشکیل محاکم و اجرای اعلامات قانون موقنلرله خرج تعرفه سنندن برر طاقی اولبایده محکمه تمیز باش مدعی عمومیلرک

وحصه داران طرفندن بدل اسهامك ايضا اولنديغه
 دائر بياننامه اردن شركت مقاوله نامه سنده النسي
 لازم كلان رسمك ربعي مقداري خرج اخذ اولتوب
 انجق بومقدار يوز غروشدن اشافي اوليه جقدر
 سكساننجي ماده برشركتك معاملاتى فسخ
 اولمزدن اول فسخى حقنده تنظيم قلنان مقاوله
 نامه دن بهر نسخه سي ايچون يوز غروش الله جقدر
 سكسان برنجي ماده تحكيمنامه تنظيمى ايچون
 يوز غروش وعمومي وكالتنامه ايچون يوز وخصوصى
 وكالتنامه ايچون الى غروش الله جقدر
 سكسان ايكنجى ماده بولجهك عدم قبول وياخود
 تأديه سندن وامره محرر بالجله سندك عدم تأديه سندن
 وياخود برتههدك عدم ايفاسندن طولابى تنظيم
 اولنه جق پروتستونك هر بر نسخه سي ايچون الى
 غروش الله جقدر
 سكسان اوچنجى ماده بولجهك حين تنظيمنده
 بولجهك اوزرينه كشيده قلنان شخصك محل
 اقامتى طوغرى بيان اولنديغى وارانيلاوبده بولنديغى
 حالده تحرى علم وخبرينك تنظيمى ايچون الى غروش
 الله جقدر
 سكسان دردننجى ماده پروتستو اولمش اولان
 بولجهه وبونو بدلك تأديه سيچون شخص ثالث
 طرفندن وقوعبولان طلبنامه ايچون بكرمى غروش
 الله جقدر
 سكسان بشنجى ماده آوال دنيلان كفالتنامهك
 تنظيمى ايچون كفالت حاديه ده النسي لازم كلان خرجك
 ربعي الله جقدر
 سكسان التنجى ماده حكم تبديلى ويا عزلى وفسخ
 وكالت وبعد ايفاي وكالت وكيل ايله موكل بيننده
 تنظيم اولنان ابرنامه ايچون هر بر نسخه سندن

الديشر غروش الله جقدر
 سكسان بدنجى ماده اشبو فصلده بيان اولنان
 ورقه ل خارجدن تنظيم ايتديريلوبده حاوى اولدقلىرى
 امضارك تصديقى ايچون دعاوى قلنه مراجعت
 وقوعبولور ايسه هر بر امضارك تصديقى ايچون
 مقطوعا الى غروش النور
 سكسان سكرنجى ماده برورقهك تاريخى مثبت
 اولقى ايچون دعاوى قلنده قيدي طلب اولندقدنه
 قيدي ايچون الى غروش وهر بر مصدق صورتى
 ايچون بكرمى بش غروش الله جقدر
 سكسان طقوزنجى ماده تبليغ اولنان پروتستو
 وسندات واوراق ساثره ايچون بشنجى فصلده بيان
 اولنان تبليغيه خرجلىرى الله جغى كبي اوراق
 مذكورهك صورتلى طلب اولندقدنه فرقنجى ماده
 موجبجه صورت خرجيده الله جقدر
 طقساننجى ماده اشيا دفترى تنظيمى ايچون بهر
 ساعت ايچون مقطوعا فرق غروش الله جقدر
 طقسان برنجى ماده مغازه ودكان ضبط وتهيرو
 ويا اشيا فروختى حقنده تنظيم اولنه جق ضبطلرك
 هربرى ايچون بكرمى غروش الله جقدر
 طقسان ايكنجى ماده تجار دفترينك تصديقى
 ايچون هر بر دفتردن اون غروش رسم معينندن
 بشقه هر بر صحيفه سي ايچون بكرمى پاره الله جقدر
 طقسان اوچنجى ماده دعاوى قلمى معرفتيله ترجمه
 اولنان اوراقل هر يوز الى كله سندن اوتوز غروش
 الله جقدر

(مابعدى صكره)

مطبعة عامر ده طبع اولندي